

大清會典

八十七



內閣文庫		
函	冊	號
四九	一八	九
一	四	九
架	冊	號
漢書類		

內閣文庫		
函	冊	號
三九	一八	九
一	四	九
架	冊	號
漢書類		

內閣文庫		
番號	漢	1899
冊數	141(87)	
函號	295	1




A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM Kodak







大清會典卷之九十九

兵部十

緝盜

淺草文庫

國家立法緝盜其例最嚴。文職武弁均有考成。遇有處分事宜。由兵部先議定。而吏部做行之。故並載於篇。以備參考。

凡山海大盜。順治十八年題准。山海大盜千百成羣。攻陷城池者。該督撫提鎮以下。兵部題參。依律處分。○又議准。城池失守。同城道府州縣印捕官。俱革職提問。府州縣佐貳首領官。俱革職。不同城該道官。住俸督勦。知府免議。○康熙

元年覆准。各省湖山等處。有賊嘯聚劫掠者。附近提督總兵官。及駐防將軍等。務親率官兵。卽時勦滅。若止遣守備千把等官。前往。致賊蔓延。攻陷城池。搶掠地方。傷害人民者。各照賊情輕重處分。若與大帥駐劄地方。相隔寫遠。該汛副叅等官。一面申報督提鎮。一面親率官兵。前往勦滅。如止遣守備千把等官。致賊蔓延。或致官兵失利。該督提鎮卽行題叅。亦照賊情輕重處分。○八年題准。夥賊二百人。至三百人。劫擄鄉村。掠人勒贖。耑汛兼轄文武各官。照地方失事例議處。總督提督降二級。總兵官降三級。俱留任圖功贖罪。○十一年題准。盜賊僞稱名號。侵犯城池。耑汛兼轄各官。俱革職。總兵官降二級。調用。提督降二級。戴罪圖功。聚集一二百人。焚燬鄉村。劫擄男婦。殺傷兵民者。耑汛官革職。兼轄官降二級。調用。總兵官降二級。提督降一級。俱戴罪圖功。聚集六七十人。焚燬鄉村。劫搶財物。殺傷兵民者。耑汛官革職。兼轄官降二級。總兵官降一級。俱戴罪圖功。提督罰俸一年。至於盜賊嘯聚。鄰近之提督總兵官。并將軍。城守。及

副叅遊等。不親領兵勦滅。止遣守備千把等官
往勦者。各降二級調用。其專汛官。及副叅遊等。
聞賊。不速爲申報者。俱革職。督提鎮聞報。不速
發兵會勦。以致賊勢蔓延。官兵失利者。俱降三
級調用

凡海賊登岸。康熙三年題准。海賊登岸。擄掠男
婦。耑汛官。降二級。兼轄官。降一級。俱戴罪圖功。
提督。罰俸九個月。○十一年題准。海賊侵犯城
池。殺傷兵民。耑汛兼轄各官。俱革職。總兵官。降
二級調用。提督。降二級。戴罪圖功。焚燬鄉村。劫

擄男婦。殺傷兵民者。文職州縣官。同城知府。各
罰俸一年。同城道官。罰俸六個月。照案緝拿。武
職專汛官。革職。兼轄官。降二級調用。總兵官。降
二級。提督。降一級。俱戴罪圖功。若兼轄各官。聞
報退縮不前者。俱革職。提督。總兵官。聞報不卽
領兵會勦者。降二級調用。若賊船突出劫掠。同
行鎮將等。不相救援。率師徑返。以致官兵損傷
者。革職提問。耑汛官。降二級。兼轄官。降一級。俱
戴罪圖功。提督。總兵官。罰俸一年。海賊乘夜入
城。殺傷兵民者。耑汛官。降二級。兼轄統轄官。降

一級俱戴罪圖功

凡城內失事。順治十八年題准。城內被盜。刦傷官民。同城武職官。外委者。責懲斥逐。現任者。革職。耑汛者。降二級。提鎮將領。降一級。俱戴罪。限一年緝獲。限內全獲。題明開復。獲一半以上。同城官。降一級。調用。耑汛官。罰俸一年。兼轄官。罰俸九個月。不及一半者。同城官。降二級。耑汛官。降一級。各調用。兼轄官。罰俸一年。全無獲者。同城官。革職。耑汛官。降二級。調用。兼轄官。降一級。留任。○康熙元年題准。強盜突入城內。刦傷官

民者。提督。罰俸九個月。總督。罰俸六個月。○三年題准。強盜入城。刦掠。同城官。革職。提問。耑汛官。革職。兼轄官。降二級。總兵官。降一級。俱戴罪。緝拿。提督。罰俸一年。總督。罰俸六個月。如當時拿獲一半以上者。俱免議。餘賊仍照限緝拿。○七年議准。強盜入城。刦掠倉庫。殺害官民。搶奪獄囚。承緝文武官員。俱任俸。限一年緝拿。盡獲開復。限內不獲。各降一級。調用。同城知府。兼轄武職。俱照此例。有加級紀錄。准其抵銷。仍任俸。再限一年緝拿。限內不獲。仍降一級。調用。如又

有紀錄加級抵銷者。照此扣筭處分。其同城提鎮。罰俸六個月。限一年緝拿。限內不獲。再罰俸一年。免其停陞。緝拿。若被劫後。一月內擒獲一半者。免罪。仍停陞。令緝拿餘賊。免其照限議處。○十一年題准。耑汛官。同城兼轄官。一月內緝賊一半者。免罪。停陞。限一年緝拿。如不全獲。罰俸一年。餘賊照案緝拿。不停陞。其不同城之文武兼轄官。照地方失事例。議處。○又題准。正陽門。崇文門。宣武門外。關廂被盜者。巡捕營各官。照城內失事例。議處。○十五年題准。前三門關

廂內。盜賊集至二三十人。執械傷人。劫財者。照大夥盜賊例。耑汛官。革職。兼轄官。降二級。俱戴罪緝賊。文職。該兵馬司指揮。革職。令接任官緝賊。○二十一年題准。前三門關廂內失事。馬步兵丁把軍等。當時有能擒獲一二盜賊者。免其責究。如一名不獲。該汛馬步兵丁等。各責四十六板。

凡地方失事。順治十八年題准。道路村莊被盜。劫財傷人者。除提鎮例不議及外。其專汛官。外委者。責懲斥逐。現任者。降一級。兼轄官。住俸。俱

戴罪限一年內緝獲。限內全獲。題請開復。獲一半以上。耑汛官。罰俸九個月。兼轄官。罰俸六個月。不及一半者。耑汛官。罰俸一年。兼轄官。罰俸九個月。全不獲者。耑汛官。降一級調用。兼轄官。罰俸一年。各官留任者。仍令緝拿。革職降級離任者。令接任官。立案緝拿。○康熙二年題准。地方失事各官。該督撫未題叅之先。陞轉者。照錢糧未完官例。撤回原任緝賊。俟全獲日。題請開復。承緝官。有別案降革解任。及丁憂者。俱照離任官例。罰俸一年。未獲盜賊。接任官。停陞緝拿。

俟全獲日。開復。若接緝官。有別案降革解任。丁憂者。俱罰俸六個月。未獲盜賊。復令接管官。停陞緝拿。俟全獲日。開復。其署事官。任內失事者。照離任官例。罰俸一年。接緝署事官。在任一月外。離任者。罰俸三個月。在任不及一月。離任者。免議。至地方失事官。督撫未題叅之先。陞任者。不許赴新任。若明知盜案未結。許赴新任者。督撫各降二級調用。赴任官。革職。○七年議准。強盜劫殺村莊民人。承緝文武官員。任俸限一年。緝拿。如限內不獲。罰俸一年。限六個月緝拿。限

內不獲。降一級調用。如有加級紀錄。准其抵銷。仍住俸。再限六個月緝拿。如不獲。仍降一級調用。如又有加級紀錄。抵銷者。照例扣筭處分。文職道官。武職兼轄官。罰俸六個月。停陞。限一年緝拿。如不獲。罰俸一年。免其停陞。緝拿。其協緝。接緝各官。仍照案緝拿。不停陞。○八年議准。承緝文武官員。一年限滿不獲。罰俸一年。再限六個月緝拿。限滿不獲。無加級紀錄者。照例降一級調用。有加級紀錄。抵銷者。照接緝官例緝拿。不再立限。○十年題准。直省督撫題叅盜案。本省定限四個月。兼管省分。定限六個月。俱以失盜日爲始。至逾限月日。專責督撫提鎮。計月處分。不許分坐屬官。○又覆准。凡一月內獲半。停陞。緝拿餘賊者。限一年緝拿。全獲免罪。如不獲。罰俸一年。照案緝拿。不停陞。○十一年議准。城外村莊道路失事者。除提鎮例不議及外。耑汛文武官。俱住俸。兼轄文武官。俱罰俸六個月。限一年緝拿。一年內拿獲一半者。免罪。餘賊照案緝拿。如不獲。耑汛官。降一級調用。兼轄官。罰俸一年。盜賊照案緝拿。如有加級薦紀。准其抵銷。

若賊在別處地方行劫。其原任地方該管官。不行察拏者。題叅到日。失事地方官。住俸緝拿。原住地方官。令其協緝。如一年不獲。罰俸六個月。兼轄副將等官。亦照此例議處。○又題准。該管官。因公他出。後失事者。概行免議。○十二年題。准。承緝盜案各官病故。或因事革職離任。停其具題。俟限期滿日。該督撫查明接緝官員職名。咨部查核。餘賊照案緝拿。○二十年議准。道路村莊失事。州縣等官。及耑汛武職官。一年限滿不獲。降一級。留任。再限一年緝拿。無級可降之官。革職。仍留任。限一年緝拿。如再不獲。調用。革職。同城之知府。與捕盜之同知通判。初叅停陞。罰俸六個月。限一年緝拿。如不獲。罰俸一年。照案緝拿。道官。及兼轄武職。初叅罰俸六個月。免其停陞。限一年緝拿。限滿不獲。罰俸一年。若未滿一年之限。陞遷者。照離任官例。罰俸一年。○凡追緝盜賊。順治十三年題准。鄉村旅客。被賊劫殺。就近速報。該管文武等官。嚴行追緝。○康熙十一年題准。盜賊行劫。失主卽於本日呈報。夜間被盜。於次日呈報。如呈報後。該管官不速

行接續前報。或不親行馳追。止差未弁追緝。或
追及脫逃者。俱革職。若止逐離本汛。不行窮追
者。降一級留任。至附近地方官。失主呈報。不行
接受者。革職。如以非其汛地。不親身追捕。或追
及不能擒獲。或止差未弁追捕者。俱降一級調
用。其經過地方官。不親身馳追。或追及脫逃。或
止差未弁追捕者。亦降一級留任。該督提鎮具
題之日。務將某官曾否馳報。曾否親身追捕。經
過地方。曾否窮追情由。逐一開明。如含糊具題
者。罰俸一年。

凡減報盜數。康熙五年題准。地方失事。該管官。
勒令失主少報盜數。或將未獲盜賊。謊報亡故
者。革職。文職道府。武職兼轄官。不行詳查轉報
者。罰俸一年。督撫提鎮。妄行具題者。罰俸六個
月。

凡諱盜不報。舊例地方失事。隱諱不報者。專汛
官。革職。兼轄官。知而隱諱不報者。降二級調用。
不知者。降一級調用。督提鎮。不行查明糾察者。
降一級留任。其拿獲賊盜。供出先次行劫之處。
雖失主未報。當汛官。仍革職。兼轄官。降一級調

用。若賊全獲者。免議。○康熙十一年題准。兼轄官同城不知者。降一級調用。不同城者。降一級留任。○十五年題准。本汛失盜。彼此推諉不報者。亦照諱盜例處分。如已經申報。彼此推諉者。推諉官。降一級調用。轉詳官。罰俸一年。如上司將州縣官申報盜數刪減者。照州縣例處分。如州縣官不確查盜數申報。或不開失事地方官職名申報者。俱罰俸一年。拿獲盜賊。供出先次行劫之處。審明。仍行查該督撫。若失主已報。地方官照諱盜例處分。如失主未報。及無實據者。

該督撫取具該地方官並無諱盜印結繳報。若失主具報。地方官不行准理。及借端起釁。縱役需索。更換衙門。往來提審。苦累致死者。該督撫查訪題參。如督撫不行題參。事發之日。該管官革職。不行申報之上司各降二級調用。督撫各降一級留任。若未致死者。該管官降三級調用。上司降一級留任。督撫罰俸一年。○十八年題准。失主報明失盜。地方官不嚴行追緝。反勒索失主受害者。革職。巡撫不行查參。降三級調用。凡餉鞘被劫。順治十八年題准。路途劫失餉鞘。

護送官革職。耑汛官降二級。兼轄官降一級。俱戴罪。限一年緝獲。如限內緝獲一半以上者。護送官降一級。調用。耑汛官罰俸一年。兼轄官罰俸九個月。○康熙十一年題准。鎮店路途刦失餉鞘。護送官革職。失事地方文武各官俱住俸限一年緝拿。盡獲開復。若限內不獲。各降一級調用。限內拿獲一半者。免罪停陞。緝拿兼轄武官。同城知府亦照此例。不同城之知府免議。該提鎮道官各罰俸六個月。限一年緝拿。限內不獲。各罰俸一年。有加級紀錄。俱准抵銷。如失事時。隣汛官員及地方各官拿獲盜賊一半。失事地方官免罪停陞。緝拿。若限內隣汛官全行拿獲。失事地方官免其住俸。

凡公務官員被刦。順治初題准。奉差及赴任官員。經過地方被刦。或被殺擄。耑汛官降二級。調用。兼轄官降一級。留任。統轄官罰俸一年。○康熙十一年題准。奉差及赴任官員被刦。無護送官兵者。耑汛兼轄官照地方失事例議處。有護送官兵者。若在本汛地方。又係本汛官兵護送。被刦者。耑汛官降二級。調用。兼轄官降一級。留

任。統轄官。罰俸一年。若被賊殺擄。無獲送官兵者。仍照舊例。有護送官兵者。耑汛官。革職。兼轄官。降二級調用。統轄官。降一級留任。

凡兵丁爲盜。順治初題准。營兵爲盜。專管官。革職。兼轄官。降三級調用。統轄官。罰俸一年。該管官。隱匿巧飾者。革職。查明呈報者。免議。○又題准。營兵窩隱賊盜者。耑管官。降二級調用。兼轄官。降一級留任。因公他出者。罰俸一年。統轄官。罰俸六個月。○又題准。貼防兵丁爲盜者。被劫地方。耑汛兼轄。統轄各官。照地方失事例議處。

領兵貼防官。革職。其貼防駐劄地方之兼轄官。降二級留任。統轄官。罰俸一年。○康熙十一年。題准。營兵爲盜窩盜。若在該管官因公他出之後。事發於未回之前者。免議。○又題准。官員約束不嚴。以致招撫兵丁。復聚爲盜者。耑管官。降一級調用。

凡武弁爲盜。舊例。効用官爲盜者。該管官。降三級調用。○康熙十一年。題准。提鎮標下効用官爲盜者。該提鎮。降三級調用。若營弁爲盜。該管官。降三級調用。兼轄官。降二級留任。統轄總兵

官降一級留任

凡捕役爲盜。康熙十一年題准。捕役夥盜。該管官革職。其捕役催覓之人。持票夥盜者。罪同。凡題叅汛轄。康熙四年題准。地方失事。務將端汛千把等官查叅。不得以外委官題叅塞責。○六年題准。凡盜案。旣以該管副叅遊都。作兼轄處分。標下中軍。不必以兼轄叅處。○十一年題准。地方失事。不查叅經制專汛官。以外委官塞責。題叅者。呈報官降二級調用。轉報官降一級留任。提鎮罰俸一年。○又題准。各標中軍。不作

兼轄。如係伊耑汛地方。照例處分。○十四年議准。總督統轄全省。如遇城池失事。道路被刼。餉被刼者。罰俸六個月。若賊衆聚至二三百人。擄掠鄉村者。降二級留任。帶罪圖功。○又議准。總督將大盜諱稱小盜具題者。罰俸六個月。凡捕盜功賞。順治初題准。常人捕獲強盜。計盜數。每名賞銀二十兩。○又題准。武官有能拿獲真正大盜窩主者。題請紀錄。拿獲小盜窩主者。督撫旌賞。鄰里有能出首窩主。番役有能捉獲窩主者。以所起贓私一半給賞。若窩主有能悛

改前惡擒盜出首者免罪○又題准巡捕別營
在外別汛武職各官有因緝獲一二盜賊招出
夥盜獲至十五名者。當汛官紀錄一次。三十名
者兼轄官紀錄一次。有能查緝盜賊十五名者。
專汛官加一級。三十名者兼轄官加一級。當汛
官不論俸滿卽陞。五十名者兼轄官不論俸滿
卽陞。其捕營番役拿獲者各賞銀伍兩○康熙
十一年題准拿獲竊盜一名賞銀十兩。二名賞
銀二十兩○十四年議准官員除拿獲本汛承
緝盜賊不議敘外。如二年內不論是否同夥查
獲別汛盜賊十五名者。本官加一級。三十名者
不論俸滿卽陞。兼轄官查獲三十名者加一級。
五十名者不論俸滿卽陞。京官具呈刑部。外官
具呈督撫。具題到日。俟刑部核明。送該部議敘。
凡竊盜處分。竊盜有挖門穿壁剪絡割包等項。
本主及父兄分別二次三次。照例議處。當汛官
罰俸三個月。兼轄官罰俸一個月。值日番役兵
丁責二十板。若竊盜未經得財。及無被竊確據。
并失主未曾受傷者。該管官免議。

凡編立保甲。康熙二十五年題准。畿輔屯莊旗

民雜處。令該撫將旗民人等一體編爲保甲。各立甲長。稽察盜賊。如有面生可疑者。卽拿送該地方官。倘甲內人丁爲盜。屯撥什庫窩盜者。該撫卽解部。具題鞭一百。仍發回編甲。

凡借端殺害良民。順治間題准。汛防各官。若借擒勦賊黨。殺害無辜良民者。本官革職提問。提鎮不行申報總督。及該督不行查叅者。總兵官降一級留任。提督罰俸一年。總督交吏部察議。○又題准。耑汛官。借名盤詰。殺戮良民。謊報殺賊爲功者。革職提問。兼轄官。代爲報功者。革職。

總兵官。不行察明轉報者。降二級留任。○康熙十一年題准。貪虐官員。無總督省分。聽提督查叅。無提督省分。聽總兵官查叅。○又題准。借名殺良。謊報爲功者。轉報之總兵官。降二級調用。提督不行叅出。降一級留任。

凡土司地方失事。康熙六年題准。土司地方失事者。酌量議處。○十一年題准。土司地方失事。土官免議。責令緝賊。如土司地方。與民人雜處。有官兵設防之處。失事者。兼轄統轄官。照例議處。若無民人居住。官兵設防之處。失事者。兼轄

官停陞勒限一年緝拿。如緝獲一半免議。全未獲者兼轄官罰俸一年。免其停陞。仍照案緝拿。如大夥盜賊。劫掠村莊。殺擄男婦者兼轄官降一級留任。總兵官罰俸一年。提督罰俸六個月。

海禁

凡海禁事宜。順治十二年題准。下海船隻。除有號票文引。許令出洋外。若奸豪勢要。及軍民人等。擅造二桅以上。違式大船。將違禁貨物下海。前往番國貿易。潛通海賊。同謀結聚。入為嚮導。劫掠良民者。正犯處斬梟示。全家發邊衛克軍。

其打造海船。賣與番人圖利者。為首處斬。為從發邊衛克軍。若止將大船。僱與下海之人分取番貨。及糾通下海之人。接買番貨。并探聽番貨到時。私販蘇木胡椒。至一千觔以上者。俱發邊衛克軍。番貨入官。其小民撐駕單桅小船。給有執照於沿海近處捕魚打柴。巡捕官軍不許擾害。○十七年題准。濱海地方。禁止雙桅沙船。不許民間私造。違者照通賊律治罪。○十八年題准。官員兵民。不許出界貿易。併在遷移海島。蓋房種地。違者該管文武各官。俱革職。從重治罪。

保甲知情不首者處絞。守口官兵知情者以同謀論處斬。不知情者仍從重治罪。○康熙六年題准。所屬地方奸民違禁出海。不行查獲。或被傍人訐告。或被外省官員拿獲。總督降二級留任。巡撫降一級留任。○十一年題准。閩廣地方嚴禁出海。其餘地方止令木筏捕魚。不許小艇出海。○又題准。凡有大小船隻出海貿易。及在遷移海島。蓋房種地者。不論官兵民人。俱以通賊論處斬。貨物家產俱給首告之人。該地方保長。知情同謀故縱者。斬。不知情不首者。絞。不知情者。杖一百。流三千里。該汛守官兵知情故縱者。亦以同謀論。俱處斬。其不知情者。文職知縣。知州。革職。永不敘用。府道降三級調用。專汛武官。革職。與兵丁一併治罪。兼轄副將等官。革職。該管總兵官降三級留任。該督提各降二級留任。巡撫降一級留任。有能拿獲本汛出海之人。文武各官均應免罪。拿獲別汛出海之人。十名以上者。拿獲之文武官員紀錄一次。一百名以上者。加一級。該管文武官員。或兵民拿獲者。督撫提鎮道府副將均應免議。若官兵民人私造出

海船隻者處斬該管文武官員及地方保甲長同謀者絞知而不首者杖一百流三千里文職州縣官所屬民人武職專汛官所管兵丁私造船隻不行察出者革職兼管文職知府武職副將等官降三級調用該管總兵官該道官降二級留任該督撫提降一級留任○又題准該汛官拿獲出海奸民止報該鎮不報督提及該鎮不卽報督提者俱降二級留任○十二年題准在洋行走船隻經過地方並貿易貨物地方各官知而故縱者革職不知者免議○十九年題

准直隸山東江南准用裝載五百石以下船隻沿海行走倘有裝載五百石以上大船通大洋行走者照例從重治罪如貪黷官役兵丁借端留難需索者該督撫提鎮嚴查指名題參若徇情不行題參從重治罪其出入船隻令海口官員審理出則驗船給照入則估料徵稅每季造冊報部○又題准該管官拿獲本汛出海貿易奸民二十名以上者紀錄一次二百名以上者加一級如數多者照數加級紀錄○二十三年題准海氛旣靖山東江南浙江及瓊州等處各

海口。准其貿易。如夾帶禁物者。仍照例從重治罪。商民人等。有願入洋貿易者。稟明該地方官。登記姓名。取具保結。給發印票。船頭烙號。令防守海口官員查驗印票人數。准令出入。○又題准。直隸。山東。江南。浙江。等省。許令民人。裝載五百石以下船隻。海上貿易。如有造雙桅五百石以上。違式大船。在大洋行走者。照舊例酌減。改爲發邊衛克軍。該管文武官員。及地方甲長。與兵民同謀私造者。徒三年。知情不首者。係官革職。係兵民。杖一百。文職州縣官。所屬民人。武職

專汛官所管兵丁。私造船隻。不行察出者。降三級調用。兼管文職知府。武職副將等官。降一級調用。該管總兵官。該道官。降一級留任。該督撫提督。罰俸一年。若違禁將焰硝硫黃軍器等物。私載出洋貿易者。仍照律處分。防守地方文武官。知情縱放者。亦照律治罪。不知情者。專汛文武官革職。兼轄文武官降四級調用。統轄文武官降二級留任。督撫提降一級留任。凡隱匿洋貨。巡哨官兵。拿獲洋貨。隱匿不報者。革職提問。

凡外國貿易。順治十一年題准。外國貢船到岸。未經報官盤驗。先行接買番貨。及爲外國人收買違禁貨物者。俱發邊衛克軍。○康熙七年題准。外國人非係進

貢。竟來貿易者。不准開市。○十一年題准。外國進貢。順帶貨物。自出夫力進京者。准其貿易。如欲在泊船處貿易。該督撫提。選文武官監看。不許收買違禁貨物。夾帶匪人。貿易完日。造冊報部

凡鹽船出海。長蘆鹽船。從天津大沽出口。每船令鹽院給以印票。填明船內所載人數。海防大沽營將。稽查船到山東省。令海豐縣掛號。河口防汛官兵巡檢司。查驗放行。如無印票。或人船溢數。及夾帶違禁貨物等弊。該管文武各官不能查獲者。俱照例處分。每月取具該管文武各官。並無人船溢數。及違禁夾帶貨物等弊印結報部

凡拿獲禁物。官民人等。將硫黃。焰硝。鹽。劬。布疋等物。販賣與賊者。依律治罪。該管官知情。以同謀論。不知情者。專汛文武官革職提問。守汛兵丁治罪。兼轄文武官降五級。該管總兵官降二

會典卷九十九
三
級。俱調用。督撫提降三級。留任。若盤緝人員。將本汛販賣之人拿獲者。每十名以上紀錄一次。五十名以上加一級。將別汛販賣之人拿獲者。十名以下紀錄一次。每十名以上加一級。五十名以上。不論俸滿卽陞。一百名以上。照應陞之缺。越一級優陞。

處分雜例

凡奉行事件限期。康熙十一年題准。督撫提鎮奉行。

欽部事件。俱以文到日爲始。通限四個月具題。總督駐劄本省地方。仍照巡撫限期外。所管隔省地方。亦以文到日爲始。限六個月具題。違限不及一月者。免議。違限一個月者。罰俸三個月。兩個月者。罰俸六個月。三個月者。罰俸九個月。四五月者。罰俸一年。半年以上者。降一級調用。一年以上者。降二級調用。二年以上者。革職。倘有重大事情。限內難完者。許其題明寬限。若承管官。將易結之事。遲延不結。或將難結情由。不預行申詳。經督撫提鎮題叅者。違限一月以內。罰俸三個月。一月以外。罰俸一年。○二十三年題

准督撫提鎮違限半年以上者降一級留任。一年以上者降二級留任。二年以上者降三級調用。

凡迴避。順治初定。武職官員有考核賢否等項。屬其管轄者。不論族屬遠近。令官卑者迴避。○十八年議准。巡撫不管軍務。武職免其迴避。○康熙十二年題准。各省巡撫俱管軍務。武職官員仍令從卑迴避。

凡武職交代。順治十八年題准。直隸。山東。山西。河南。陝西等省陞任官。俱令遵限速赴新任。其

原任事宜。委官署理。至江南。江西。浙江。福建。兩廣。川湖。雲貴。各省陞任者。候新官到任。交代後赴任。○康熙十一年題准。江西。湖廣。陞任官員。亦照直隸。山東等省例。不必留後交代。

凡委署非其人。順治十八年題准。委署官。如有縱兵殃民。尅餉違法等弊。將保舉委署官。一併叅處。○康熙四年題准。總兵官員缺。選擇賢能。副將叅將署理。不得濫委末員。○十一年題准。擅行委署。不報上司者。降一級調用。○又題准。委署官。有縱兵殃民。尅餉違法者。本官照例議

處保舉官降三級調用。提督降一級留任。若保舉官察出者免議。提督題參亦免議。

凡擅裁冗官。督提鎮所屬冗員未經題請。即行裁汰者。罰俸一年。

凡遲悞文冊。官員遲悞

表文者。罰俸一年。衛所各官將應進

表文不送都司彙進。自給批文。賫部及都司令其自進者。各罰俸六個月。竟不補進者。降一級調用。如官員將慶賀

表文。考選冊籍。舛錯。或遺忘不奏。或遺漏字樣。或借端推諉遲延。或不差的當員役。以致中途差

失者。均罰俸一年。如用印歪斜。模糊顛倒。失用印信。及繕寫潦草。不列職名。破裂染污者。均罰俸六個月。

凡冊疏互異。康熙十一年題准。官員造報各項文冊。或遺漏重開。數目舛錯。或多開少造。及遺漏職名者。罰俸三個月。轉報官。罰俸一個月。提鎮奏疏內。或字樣差訛。或奏疏內所有字樣。貼黃內舛錯遺落。或貼黃內所有字樣。奏疏內舛錯遺落。或冊疏互異者。罰俸三個月。○十二年

題准。提鎮疏內無貼黃者。罰俸三個月。

凡擅差守汛官員。該管各官。罰俸一年。被差官免議。

凡辯冤涉虛。康熙四年覆准。官員鳴冤叩。

聞涉虛者。降四級調用。若先經審虛。復稱冤抑叩。

聞者。革職。交刑部。○五年議准。初次叩。

聞涉虛者。罰銀七十兩。先經審虛。復稱冤抑叩。

聞者。降二級調用。○又覆准。官員在通政司。登聞鼓。

衙門。將已經具告審結之事。復稱冤枉具告者。

仍准察審。果無冤枉具告官。降一級調用。若於。

原詞外。捏造言語。妄生枝節具告。審虛者。加等。

治罪。○十一年題准。官員具告通政司。鼓廳。審。

無冤枉者。罰俸六個月。若又稱冤枉具告者。降。

一級調用。係已經革職之官。交刑部議罪。呈辯。

冤枉。初次叩。

聞審虛者。罰俸九個月。

凡混題冤枉。康熙十一年議准。革職降級等官。

稱冤控告者。該督提鎮。察明具題。如將無冤枉。

之事。稱爲冤枉。朦混具題者。督提鎮。降一級留。

任。代申各官。降二級調用。朦混咨部者。督提鎮。

會典卷九十九
二五
罰俸一年

凡越叅文官。提鎮違例叅文官者。罰俸一年。所叅之事。不議。

凡越俎具題。提督將總督職掌事件。擅自題請者。罰俸三個月。

凡失繳偽劄。官員將投誠劄付印信。繳送遲延。或並未繳送者。俱罰俸一年。

凡會同具題。順治初題准。督提將不應具題之事。會題者。列名具題官。與承行具題官。一體議處。○康熙十一年題准。提鎮將不應具題之事。

會題者。如承行具題官。革職者。列名具題官。降四級調用。如承行具題官。降級調用者。列名具題官。降一級留任。如承行具題官。降級留任者。列名具題官。罰俸一年。如承行具題官。罰俸一年者。列名具題官。罰俸六個月。如承行具題官。罰俸六個月者。列名具題官。罰俸三個月。如承行具題官。免議。如督提。鎮將應會議事件。並未會同議妥。遽稱合詞。題覆者。罰俸六個月。

凡虛懸城守。官員因公出境。將城守營務。交與

不應管之人者。罰俸一年。如上司將城守官。不行輪流傳換。盡行傳去。以致城空者。亦罰俸一年。

凡笞辱官員。上司將所屬末弁。如有事故。不行題參。任意笞辱者。罰俸一年。如笞辱守備以上官員。降二級調用。

凡擅受民詞。舊例武職官。擅受民詞者。罰俸一年。○康熙二十三年議准。降一級調用。

凡私借兵餉。官員以餉銀抵還公費。未入已者。降一級調用。

凡採買硝磺。各省採買硝磺。該督撫將所買數目。差買員役職名。及採買地方。預先咨明。往買地方督撫。其差買員役。寫給執照。到彼省時。督撫將咨牌對驗相符。遴選賢能官員。照數驗買。完日給照。押送出境。

凡看守戰船。康熙十四年題准。官員看守戰船。不行謹慎。損壞一二隻者。降二級留任。三四隻者。降二級調用。五六隻者。降四級調用。七隻以上。革職。

凡移駐投誠官兵。順治初題准。投誠官兵攜帶

家口。移駐各省墾荒。經過地方。如有不遵約束。亂行者。該管將領。一併治罪。○康熙八年題准。移駐墾荒兵丁。脫逃十名以內者。耑管官。罰俸六個月。統轄官。罰俸三個月。二十名以內者。耑管官。罰俸九個月。統轄官。罰俸六個月。四十名以內者。耑管官。罰俸一年。統轄官。罰俸九個月。六十名以內者。耑管官。降一級。統轄官。罰俸一年。八十名以內者。耑管官。降二級。統轄官。降一級。至一百名者。耑管官。降三級。統轄官。降二級。一百名以上者。耑管官。革職。統轄官。降三級。

凡監犯越獄。康熙三年題准。監犯踰城逃走。及由水門逃走者。城守官。罰俸三個月。由已開城門逃走者。免議。○十一年題准。凡將已閉城門之鎖。扭壞逃走者。城守官。革職。當時全獲者。免議。拿獲一半者。降一級。留任。

凡革職解任官員歸旗。地方官。若不撥兵挨程護送。取具沿途官員交送印結。並不報起程日期者。罰俸九個月。

凡嚴拿光棍。康熙三年題准。京城地方光棍。責成巡捕三營。叅遊把總。嚴行緝拿。如已經緝拿。

私自縱放者。該管叅遊把總等官革職。不行察緝者。事發。該營叅遊。罰俸一年。把總降級調用。如把總已經拿獲。不卽呈送該營叅遊者。罰俸一年。該營叅遊。不速送督捕衙門。督捕不速送刑部。刑部不速行收審者。俱照遲延事例處分。至番役受賄隱匿。交刑部從重治罪。○四年議准。把總拿獲光棍。不卽呈送該營叅遊者。降一級調用。○十一年題准。惡棍借端挾詐。勒騙錢財。公行搶奪。攪擾市肆者。責成巡捕三營。司坊官員。并五城御史。督捕官。不時巡緝。如知有惡棍。不行緝拿。及得財私縱。狗庇。詭稱失脫者。革職。總甲衙役。兵丁。番役等。枷號一個月。責四十六。板。如不知失察者。督捕官。罰俸兩個月。該城御史。巡捕三營叅將。遊擊。俱罰俸一年。司坊官。把總。俱降一級調用。若司坊官。把總。已經拿獲。不卽呈送該城該營者。司坊官。罰俸一年。把總。降一級調用。該城御史。該營叅將。遊擊。不速送刑部督捕。及刑部督捕。不速行收審者。俱照遲延事例處分。總甲。衙役。兵丁。番役等。俱各責四十六。板。

會典卷九十九
凡外城夜禁。外城設立柵欄。責成各該總甲看守。巡捕營兵丁番役。不時巡邏。起更後。如有違禁夜行者。卽拿送督捕。責十板。罰銀一兩。給拿獲之人。除奉

旨。及部院差遣外。其有因喪事。或生產。請醫嫁娶。行走之人。該總甲等詳詢事務。記明。不必拿解。次日呈報。

大清會典卷之九十九

